

Գ Ե Ղ Ա Ն Կ Ա Ր Զ Ո Ւ Թ Ւ Ի Ն

ՅԵՂԱՍՊԱՆՈՒԹԵԱՆ ԹԵՄԱՆ
ԺԱՆՍԵՄ ԵԿԱՐՆԵՐՈՒՄ

Ներսես Արղ. Արյեան

-Ա-

Ժամանակը ծնունդ է թուրքիայի Աեօլեօք քաղաքում 1920 թուականին: Մայրը այդ ժամանակների հազարաւոր հայուհիների մեծ ունեցել էր դառը ճակատագիր: Հրաշքով էր փրկուել, որ յետոյ դառնայ մեծ նկարչի մայր: Ընդամենը 13, 14 տարեկանում փոքրիկ աղջիկն անցել էր Տէր էլ Զօրի անապատը, տեսել ու վերապրել Հայոց Յեղասպանութիւնը: Ամուսնու մահից յետոյ կինը զաւակին վերցնում է և տեղափոխում Յունաստան: Մի քանի տարի անց փոքրիկ տղան կոտորում է ոտքը: Տեղի բժիշկները շատ անյաջող կոտորածքը չեն կարողանում բուժել և սկսում է ոսկրաբորբ: Բուժման նպատակով մայրը որոշում է երեխային տեղափոխել Ֆրանսիա: Նա բուժում է, բայց էլ երբեք վազել չի կարողանում: Ոտքի մասնակի անդամահատում էր արուել:

Երեք տարի Յովհաննէսը, ֆրանսերէնով Ժանը, անցկացնում է հիւանդանոցներում, որտեղ էլ սովորում է ֆրանսերէն լեզուն: Հիւանդանոցում մնալը էական դեր է խաղում նրա կեանքում: Եղբայրը մի տուփ իղաներկ է նուիրում, որ Ժանը պատկած վիճակում չձանձորանայ՝ նկարելով զբաղուի, և Ժանը նկարում է: 11 տարեկանից սկսում է նկարել իղաներկով:

Ապափնուելուց յետոյ տղան ընդունում է Մոմպառնասի ազատ ակադեմիաները: Դա 1934 թուականն էր: Սա մասնագիտական առաջին դպրոցն էր: Երկու տարի անց ուսումը

շարունակում է Փարիզի զարդարուեստի բարձրագոյն դպրոցում: Ապա մէկ տարի կատարելագործում է Սարաքիէյի արուեստանոցում: 1944 թ. սկսել է ցուցադրուել «Անկախների» յայտնի ցուցարահում՝ «Ջութակահարը» նկարով:

Ստեղծագործութեան առաջին շրջանում հիմնականում հանդէս է եկել ազգային թեմաներ շոշափող գործերով, թէև Հայոց Յեղասպանութեան մասին գիտէր միայն մօր պատմածներով: Հզօր են մանկութեան տպաւորութիւնները, և ինչպէս ինքն էր ասում. «Արուեստը ինքնակենսագրութիւն է»: Նա վրձնով պատմում էր մի վշտի մասին, որն անձամբ չէր տեսել, բայց արեան կանչով, թէ գեներտիկ յիշողութեամբ վերարտադրում էր այն, ինչին այդքան ցանկանում էր մօտեցնել իր հանդիսատեսին:

Պատերազմի ծանր տարիներից յետոյ յատկապէս Ֆրանսիայում տարածում է զըսնում կեանքի բնական իրավիճակից ծնուած՝ մարդկային տխրութիւնը, յուսահատութիւնը, ճնշուածութիւնը, միայնութիւնը արտացոլող արուեստի իրապաշտական մի ուղղութիւն, որի առաջնորդներն էին Գրիմերը, Բիւֆֆեն, Ռերբորնը, Միոնը, Գառզուն և ուրիշներ: Այդ հոսանքը հող է նախապատրաստում նաև երիտասարդ Ժամսեմի համար: Նկարիչն ասես գտնում է իրեն, հաւատում սեփական ասելիքին, նրա համամարդկային բնոյթին:

Ժամսեմի կեանքում նշանակալից եղանրա ճամբորդութիւնը Յունաստան (1950) և Իտալիա (1952-1956): Այս երկրներն օգնեցին նկարչին ընդլայնելու իր հետամտած թեմաները, գտնելու իր ներսին հարազատ՝ իրեն մօտիկ մարդկային կերպարներ, իր նախասիրութիւններին արծագանքող կեանքի մրնոլորտ: 1950-ական թուականներից Ժամսեմի արուեստը լայն ճանաչում է ձեռք բերում: Նրա ստեղծագործութիւնը պերճախօս վկայութիւնն է սեփական յուզաշխարհին հաւատարիմ մնալու



ԺԱՆՍԵՄ
իւր
արուեստանոցին
մէջ

օրէնքին: Արուեստի օրէնքը նման է բնութեան օրէնքին: Ամէն ծառ իր պտուղն ունի: Իսկական արուեստը մարդու հոգեկանի բիրեղացումն է: Գոյնի, գծի, լուսատւութեան, գունային խօսուն մակերեսի, յուզականութեան, պատկերի կառուցողական բոլոր օրէնքներով ժանսեմի ներաշխարհին սերտօրէն առնչուած է նրա արտայայտչաձեւի ինքնորոշութիւնը, սեփական ոճը: Նրա փայլուն տաղանդն ու անդուլ աշխատասիրութիւնը արդի արուեստին պարզել է են ուրոյն մի աշխարհ, որն արդէն հաստատուել է որպէս գոտ ժանսեմական:

Ժանսեմի ստեղծագործութեան բեման սկիզբ է առնում իր մանկութեան յիշատակներից՝ մայր ժողովրդի մեծ արհաւիրքից: Անցնող ժամանակը արուեստագետի վրայ նկատելի ազդեցութիւն չի ունեցել: Նա շարունակել է անընդհատ խորանալ ու կերտել իր յուզառատ ու իւրօրինակ աշխարհը:

Վաղ շրջանի կտաւների փոքրիկ երեսների «դերում» ժանսեմը յաճախ պատկերել է իր գաւակներին: Ներկայացնելով նրանց՝ նկարիչը խօսել է իր մանկութիւնից, կերպատրելով մեծ փոթորկի շարունակուող ալեմփումը: Այդ մանուկները, լինեն տանը թէ փողոցում, միշտ ոտաբոքիկ են, ցնցոտիներ հագած ու տառապանքի դրօշը դէմքերին:

Բոլոր ժամանակների մեծագոյն վարպետն էր ժանսեմը, որովհետեւ նրա ջինջ ու մոգական արուեստը ժամ ու ժամանակի սահմաններ չունեն: Նրա իսկական յաղթանակն այն էր, որ հնագոյն քաղաքակրթութեան կեդրոնում կարողացել էր հաստատել իրական կեանքին առնչուած իր արուեստը, որն ընկալուում է իրրեւ մարդասիրութեան առաքելութիւն, եւ գեղանկարչութեամբ դուր բացում դէպի կեանքի եւ պատմութեան աշխարհը:

Կանխորոշուած թէ ոչ, ժանսեմը ճանաչուած էր: Ունեցել է ցուցահանդէսներ Փարիզում, Նիւ Եորքում, Չիկագոյում, Լոնդոնում, Տոկիոյում, Հռոմում, Բրիսելում, Լօզանում, Պէյրութում, Մոսկուայում: Նրա կտաւներից շատերը հանգրուանել են Եւրոպայի ու Ամերիկայի մի շարք թանգարաններում ու անհատական հաւաքածոներում:

Ինչպէս ասում են՝ «ազնիւ արուեստը ազգութիւն չի ճանաչում»:

Ճապոնացիները առանձնապատուկ վերաբերմունք են տաժում ժանսեմ գեղանկարչի մեծութեան եւ արուեստի նկատմամբ եւ իր կենդանութեան օրոք ճապոնիայում բացուել է

նրա անուան երեք թանգարան: Միջազգային համբաւի հասած նկարիչը չէր սիրում խօսել իր նուաճած մրցանակների եւ կոչումների մասին, որոնք ծանրակշիռ պարգևներ էին գեղանկարչութեան բնագաւառում: Դրանցից առաջինը «Antral» մրցանակն էր, որը ճանաչման լայն ուղի դուրս բերեց ժանսեմին: Ապա 1954 թուականին նրան ազգային կենսաթոշակ նշանակուեց: 1956-ին ընտրուեց երիտասարդ նկարիչների սրահի նախագահ: Բազմաթիւ պարգևների շարքը համալրեց «Պատուոյ լեգէոն» շքանշանը:

Արշիլ Գորկին ասել է. «Եթէ նկարչութեան մէջ գծանկար չկայ, ուրեմն դա նկարչութիւն չէ»: Ժանսեմը գծանկարի մեծ՝ բացառիկ վարպետ էր, ով գծով արտայայտել գիտէր մարդկային յանրժական արժէքները:

(Շարունակելի - 1)

*«Ես միշտ եղած եմ
Հայաստանի մէջ
հոգիով եւ սրտով. այս
իսկ պատճառով չեմ
կրնար շուրջուիլ ու
չարտաստել ամէն
անգամ երբ
Հայաստան կ'այցելեմ»:
Ժանսեմ*



Ժանսեմ, «Մայր եւ որդի»